

高苑縣誌卷之四

學校誌

邑令蘭谿張耀壁荆巖氏纂定

絃自太古之教者家有塾黨有庠州有序國有學中國
喪重言必及義所以治隆于上俗美于下故僖公修
泮復闕詩人稱之漢唐以來學宮之制師儒之設具
在史冊班班可考也

國家稽古右文以弘作人之化雖海澨山陬靡不建學
文師况齊魯斯文之奧區其文學固天性哉苑邑學
宮創始莫可窮詰所可考者宋宣化軍重修文廟碑

記耳碑陰鐫云大宋元祐七年遷寔於新廟門之左
蓋今地也自宋歷金元明以及

今日莫之或改矣不知舊宮湮沒爲市廛乎抑在荆棘
中耶夫子謂子夏曰女爲君子儒母爲小人儒游於
學宮者尙其三復于斯

學制

高苑學宮宋以前無攷今儒學在按察司行署東窰
至和三年宣化軍使李允中重修廣文殿爲三十六
楹拜廊六楹塑聖像十哲並繪先賢先儒之像于東

西兩壁祁霖有碑記元大德二年達魯花赤咬住不
花洞兵千戶李懋進士解禮重修楊德淵有碑記至
正二十四年縣尹呂懋重修正殿並講堂齋房孫可
特有碑記元末圯明洪武二年知縣孫忠捐修正統
時主簿何友能重修成化二十年知縣彭璉重修弘
治十一年知縣徐海重修嘉靖四年知縣吳鯨畧事
補苴二十六年知縣葛臣撤舊重修萬曆二十六年
知縣馮文盛重修明倫堂教諭孔貞棟有記

國朝康熙十七年知縣朱翰春捐金修復聖殿兩廡乾

隆二年知縣張松典史吳翰章捐俸倡義舉行修整
二十三年知縣張耀璧重修櫺星門戟門明倫堂並
兩廡先賢先儒各神位撤舊重整規制一新

先師殿東西列兩廡廡之南爲禮門左爲名宦祠右爲
鄉賢祠禮門外有泮池跨以磚橋又外爲櫺星門門
之左爲儒學門門內東爲啓聖祠祠後爲敬亭亭今廢

殿之北爲明倫堂臥碑在堂之左題名碑在堂之右
東壁豎科甲題名碑西壁豎歲貢題名碑堂之南豎
指南碑王文翰書堂東齋曰時習齋曰日新堂後

爲教諭宅西爲訓導宅祭器庫養賢倉俱在西齋
宰牲所在鄉賢祠之西齋堂學署今俱圯

附考

漢高帝十三年過魯以太牢祀孔子此後世祀孔子
之始也東漢光武竝祀七十弟子於孔廟此祀孔門
弟子之始明帝章帝東巡皆嘗親祀而章帝之祭樂
備六代桓帝詔孔子廟春秋享禮出王家錢給太酒
直河南尹給牛羊豕各一大司農給米靈帝置鴻都
門學畫先聖及七十二弟子像此畫像以祀之始魏

芳正始七年冬太常釋奠以太牢祀孔子於辟雍殿
顏子醜此釋奠之禮所自始前此祀孔子皆於闕里
至是始行於太學矣晉武帝太康二年令釋奠孔子
以上公之禮舞用八佾樂用軒懸北魏文成帝詔宣
尼廟別勅有司行薦享之禮有司之祀孔子自此始
孝文帝詔孔子廟禁婦女巫覡淫祀北齊文宣帝詔
春秋二仲釋奠行三獻禮每月朔詣廟行禮此後世
朔日行禮之始隋文帝以周公爲先聖南面孔子爲
先師東面俞闕七十者以四佾五十二歲州縣學以春

秋仲月後世州縣學春秋二仲釋奠始此唐高祖
德二年詔國學立周公孔子各一廟太宗貞觀初尊
孔子爲先聖顏子爲先師四年詔州縣皆立孔子廟
四時致祭以左邱明卜子夏公羊高穀梁赤伏勝高
堂生戴聖毛萇孔安國劉向鄭衆杜子春馬融盧植
鄭玄服虔何休王肅王弼杜預范甯賈逵二十二人
配其國學釋奠以祭酒司業博士爲三獻州縣以刺
史上佐博士三獻縣學以令丞簿若尉三獻此州縣
徧祀孔子之始玄宗開元八年詔十哲爲坐像曾子

高祖廟七世孫及三十二賢於廟壁

科諸賢七十子

據史記

十三年令天下州縣立廟賜百戶克春秋享

奠二十七年詔孔子服王者袞冕定爲中祀祭期春

秋二仲上下贖諸弟子爵公侯伯立京牲太牢樂宮

懸舞六情州縣牲少牢而無樂此王丁定祭之始宋

太祖建隆三年詔立十六戟於文宣王廟門其案衣

中祥符二年加宣聖冕服九旒九章桓書用玉封

哲爲公七十三弟子爲侯先儒爲伯龔祚公襲首后

處公肩定顏祖鄒單宰父黑秦商廣成繼欽廉縻十

人增祀琴張蘧瑗林放陳亢申枨五人定州縣釋奠
器數先聖先師每坐酒尊一籩豆八簋簋二俎三罍
洗篚各一尊皆加勺羶各置於坫巾共二燭二爵共
四坫從祀坐各籩豆二簋簋俎燭爵各一三年刊釋
奠儀注及祭器圖頒於諸路神宗熙寧七年以孟子
配享荀况揚雄韓愈從祀徽宗崇寧初詔文宣王殿
以大成爲名贈文宣王冕十有二旒袞服九章執鎮
圭廟戟二十四大觀二年以孔伋從祀四年復祀公
夏首等十人改封曾參等八人

以所封犯
先聖諱

頒大成殿

名於諸路州學寧宗慶元間詔諸縣長吏諸當獻宜

非有疾不得輒他委理宗淳祐元年以周敦頤張載

程顥程頤朱熹從祀景定二年以張栻呂祖謙從祀

度宗咸淳三年以曾參孔伋配享

按唐高宗總章元年以曾子與顏子

配享而玄宗開元八年李元璿請享曾子如七十二

賢故其後配享者仍止顏子又金史世宗大定十四

年遷孟子像於宣聖右與顏子對則熙寧以孟子配

享之令亦未徧遵度宗雖有思曾竝配之制而詔令

不行於北方至元仁宗延祐三年詔春秋釋奠於先

聖以顏子曾子子思孟子配然後四配之位乃通行

天下升顥孫師於十哲以孔鯉邵雍司馬光從祀按

焉史仁宗皇慶二年復云以周敦頤程顥程頤張載邵

雍司馬光朱熹張栻呂祖謙從祀蓋理宗慶宗之令

不行於北方故也

金大定中加聖像冠十二旒服十二章

孟章服皆九定釋奠儀數文宣王兗國公鄒國公每位籩豆各十犧尊象尊各一簠簋各二俎二祝版各一皆設案七十二賢二十一先儒每位籩豆爵各一兩廡各象尊二元世祖令二丁執事者皆具公服執手板致敬成宗勅到任官先詣聖殿方以次謁諸神仁宗皇慶二年以許衡從祀定祭儀正配位籩豆各十簠簋二登三鉶三俎三有毛血豆從祀籩豆皆二十簠簋俎皆一文宗至順元年以董仲舒從祀明洪武

四年置高案邊豆簠簋登饗燕用熟樂用大
奏擇監生之端嫻者與文職大臣子弟之在學校者
習舞五年暫罷孟子祀尋復之十五年頒釋奠儀之
十四年令有司朔望行香於文廟二十六年頒樂器
於天下二十九年罷揚雄祀永樂八年以吳澄從祀
正統二年以胡安國蔡沉真德秀從祀三年祭祀孔
子於釋老宮令祭物非所產者以所產代成化中
年增八脩十二邊豆弘治九年以楊時從祀嘉靖九
年改大成殿爲先師廟大成殿爲廟門四配稱復聖

孔子宗聖曾子述聖子思子亞聖孟子十哲以下及
門人弟子皆稱先賢某子左邱明以下稱先儒某子
不復稱公侯伯改申黨申根爲一公伯寮秦冉顏何
荀况戴聖劉向賈逵馬融何休王肅杜預吳澄皆罷
祀林放蘧瑗鄭衆盧植鄭玄服虔范甯各祀其鄉增
祀后蒼王通歐陽修胡瑗陸九淵五人製木主先師
主高二尺三寸七分濶四寸厚七分座高四寸長七
寸厚三寸四分朱地金字四配主高一尺五寸濶三
寸二分厚五分座高二寸七分長五寸厚一寸七分

赤地墨字十哲兩廡主高一尺四寸濶二寸六分厚五分座高二寸六分長四寸厚二寸赤地墨書黻儀悉令屏徹春秋祭祀國學十籩十豆天下學八籩八豆四配十哲各殺以兩兩廡同十哲樂舞止六備屈學別立一祠中祀啓聖公以顏無繇曾點孔鯉孟孫氏配程瑤朱松蔡元定從祀啓聖公籩豆視四配四配視十哲三氏視兩廡隆慶五年以薛瑄從祀萬曆十二年以王守仁陳獻章胡居仁從祀並十三年以周輔成從祀啓聖祠四十二年以羅從彥李侗從祀

崇正十五年升左邱明周敦頤程顥程頤張載邵雍
於先賢從祀

國朝一仍前制康熙二十二年頒

御書萬世師表匾額二十八年頒

御書孔子贊及四配贊二十九年令官兵人民經過文廟

下馬五十一年升朱子於十哲五十四年以范仲淹

從祀先儒雍正元年追封孔子以上五代爲王二年

復祀林放蘧瑗秦冉顏何鄭玄范甯六人增祀縣里

牧皮樂正子公都子萬章公孫丑六人於先賢祀諸

葛亮尹焞魏不翁黃幹陳淳何基王栢趙復金履祥
許謙陳澠羅鑑顧蔡清陸隴其十四人於先儒以張
廸從祀崇聖祠三年令孔子聖諱除五經四書外用
遇此字竝加卞爲邱讀作期音五年令每歲八月至
十七日至聖先師孔子诞辰致齋 日頒

御書生民未有匾額十三年增正殿祭用太牢十邇十豆
四配八邇八豆乾隆元年升有子於十哲乾隆二年
頒

御書與天地參匾額復祀吳澄於先儒

封號

至聖先師孔子漢平帝元始元年追謚曰褒成宣尼公
漢和帝永元四年追封褒尊侯北魏孝文帝太和十
六年改謚文聖尼父後周靜帝大象二年封鄒國公
隋文帝贈爲先師尼父唐太宗貞觀十一年尊爲宣
父高宗乾封元年贈太師武后天授元年封隆道公
玄宗開元二十七年追謚文宣王宋真宗大中祥符
元年加謚玄聖文宣王五年改封至聖文宣王元武
宗大德十一年加封大成至聖文宣王明嘉靖九年